



REPUBLIKA E SHQIPËRISË
KOMITETI KOMBËTAR I DIGAVE TË MËDHA

KKDM/Nr. 29 Prot
Lutemi referoni këtë numër në përgjigje

Tiranë, më 30/03/2022

VENDIM
Nr.08, date 30 /03/2022

PËR

**RAPORTET VJETORE TE VITIT 2021 PER OPERIMIN, MIREMBAJTJEN DHE
KONTROLLIN E DIGAVE QE SHFRYTEZOHEN NGA BASHKITE ELBASAN,
POGRADEC, GJIROKASTER DHE DEVOLL**

Në mbështetje të Ligjit Nr. 8681, datë 02.11.2000 "Për Projektimin, Ndërtimin, Shfrytëzimin dhe Mirëmbajtjen e Digave dhe Dambave" dhe VKM Nr. 147, datë 18.03.2004 "Miratimin e Rregullores për Sigurinë e Digave dhe Dambave", Komiteti Kombëtar i Digave të Mëdha (KKDM) në mbledhjen e datës 30.03.2022 mori në shqyrtim Raportet Vjetore për vitin 2021 në lidhje me shfrytëzimin, Monitorimin dhe sigurinë e digave të mëdha që shfrytëzohen nga Bashkitë Elbasan, Pogradec, Gjirokastër dhe Devoll duke qenë se këto Bashki janë ndër shfrytëzuesit me të mëdhenj të digave të mëdha duke patur numrin me të madh të digave në admnistrim. Nga shqyrtimi i dokumentacionit të ardhur rezultonte se informacioni nuk është i plotë dhe nuk është në përputhje me kërkesat e legjislacionit në fuqi si dhe kërkesave të KKDM të dërguara pranë këtyre bashkive me shkresë nr.6 datë 25.01.2022.

Konkretisht, në Raportet Vjetore të dërguara mungon informacioni për monitorimin e digave të mëdha dhe ujëmbledhësive duke përfshirë rezultatet e këtij monitorimi dhe instrumentat e instaluar (nëse ka), Informacioni për ekipin e sigurisë dhe monitorimit të digave të mëdha, informacion për projektet dhe investimet e kryera në këto diga, informacione për volumet aktuale dhe kurbat e volumeve për ujëmbledhësit e krijuar nga këto diga, informacionin e gjëndjes aktuale përmes fotografimit të këtyre digave si dhe informacioni për planet e gadishmërisë në rastet e emergjencave civile dhe hartat e përmbytyjeve në rastet e prishjeve të mundshme të digave. Gjithashtu, në raporte ka shumë të dhëna të gabuara që nuk përputhen me gjëndjen aktuale apo projektet përkatëse. Antarët e pranishëm të KKDM diskutuan në lidhje me këto Raporte duke u bazuar në dokumentacionin teknik të paraqitur, në legjislacionin e mësipërm si dhe në kërkesat e dërguara nga KKDM në Janar të vitit 2022. Pas diskutimeve të të gjithë antarëve, KKDM

VENDOSI:

- 1- Të mos miratojë Raportet Vjetore të vitit 2021 për gjëndjen, shfrytëzimin, monitorimin dhe sigurinë e digave të mëdha që shfrytëzohen nga Bashkia Elbasan, Gjirokastër, Pogradec, Devoll
- 2- Ti kërkojë Bashkive të larëpërmendura,
 - Të plotësojnë dhe të rishikojnë Raportet Vjetore të vitit 2021 për gjëndjen aktuale, shfrytëzimin, monitorimin dhe sigurinë e digave të mëdha që shfrytëzohen prej tyre duke u bazuar në legjislacionin në fuqi dhe udhëzimet e dhëna nga KKDM të përmendura me sipër. Këto raporte duhet të përfshijnë informacion për planet e gadishmërisë në rastet e emergjencave civile, hartat e përmbytyjeve, ekipin e sigurisë dhe monitorimit të digave të mëdha si dhe situatën aktuale për monitorimin e këtyre digave.

Ngarkohet Sekretariati Kombëtar i Digave të Mëdha (SKDM) si zyrë ekzekutive e KKDM për ndjekjen dhe zbatimin e masave të kërkuara në këtë Vendim sipas legjislacionin në fuqi.

Ky Vendim hyn në fuqi menjëherë

KOMITETI KOMBËTAR I DIGAVE TË MËDHA

KRYETARI
Arjan JOVANI

